

Lès barakîs

I pwârteûve li solia dins s' baraque,
Et si tch'vau conècheûve totes lès vôyes,
Po lès plêves, i n'aveût qu'one chabraise,
Li solia l' min.neûve su sès convôyes.

Li baraque tchanteûve totes lès musiques,
D'au si lon qu'on l' poleûve ètinde raukî,
Si marâye toûrnicateûve lès piques,
Prinde vosse mwin dins l' sène po vos r'blankî

Li baraque lateûve on-aîr di danse.
Lès coméres fyîn' voler leûs cotrons
Sins si r'toûrner dès-omes d'astchèyance.
Zèls, i n' wasîn' mostrar leûs sporons.

Li baraque caosseûve su l' voyadje
Aotéye d'ssus l' vôle plin.ne di cayaus.
I n'achèv'ront leû pèlerinadje
Qui d'vent d' trover on novia lauvau !

Mauj'ni

Taurdji

Taurdji ;

Come one nûléye d'auwes sauvadjes
Al fin d'on long voyadje.

Taurdji ;

Prinde li tchaleûr do solia
Po fé fonde lès nuléyes.

Taurdji ;

Rascoude l'aîwe dès potias
Qui frè flori lès-uréyes.

Taurdji ;

Èt staurer pad'vant vos pîds
Dès rôses caflorîyes di « veûy voltî »

Maujni